

Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs
Tractatus de Prædestinatione, de Trinitate, de Angelis, & de homine

Gonet, Jean-Baptiste

Coloniæ Agrippinæ, 1671

Art. II. Vtrum Angeli ante mundum corporeum à Deo ereati sint?

[urn:nbn:de:hbz:466:1-77146](#)

oracula, somnia immittunt, perstringunt in multis rebus oculos nostros; ita ut non modò boves, caprae quo loquantur, sed & mensa apud Gymnosophistas, quas Apollonius ille Thyanus vidisse Philostrato testatur. Quid denique admirandas Dæmonum operationes, & ficta miracula commemorem, quibus apertissime declaratur eorum existentia? Nam ut cum eodem Tertulliano loquar: *Phantasma Castorum, & aquam cribro gestatam, & navem cingulo promotam, & barbam talu' irrufantam, ut numina lapides credentur, & Deus verus non quereretur.* Id est (eodem Zephyro interprete) nullum est ostentum, quod non sit facilè Spiritibus Angelicis. Hac ratione Castorum phantasmata dicuntur Macedonici belli victoriā eādem horā Rofmanis annuntiāsse. Et inter Virgines Vestales, altera, nomine Tuccia, cribro continuit aquam: altera Claudia, navem magnā Matri, vado Tyberino harentem, cingulo suo ducere potuit. Et Domitiifusca barba, solo Castorum tactu rufa eniuit, ad fidem dictorum faciendam. Quis ergo sancientis Angelorum existentiam negare poterit, & enītī adversū id, quod nēdūm divinā revelatione, SS. Patriū, totiusque Ecclesiā testimonio, Gentilium Philosophorum auctoritate, naturali ratione, sed propriā ipsorum etiam Dæmonum confessione, totque experientiis comprobatur?

ARTICULUS II.

Vtrum Angeli ante mundum corporeum à Deo creati sint?

Angelos non esse ab ēterno productos, certa fides est: cū nulla creatura fuerit ab ēterno, sed in principio temporis, ut definitur in Concilio Lateranensi, cuius verba infra referemus. Unde solum dubitor potest, an Angeli ante mundum corporeum, vel simul cum illo, à Deo creati fuerint? Quod dubium moverunt p̄cipue propter Patres Gr̄cos, qui olim docuerūt Angelos ante mundum corporeum à Deo fuisse conditos: hoc tradunt Origenes, Basilius, Chrysostomus, Nazianzenus, quem refert & sequitur Damascenus, libro 2. fidei cap. 3. imo, si Cassiano creditimus, collat. 8. cap. 7. indubiatum apud fideles omnes id fuit.

Duo autem sunt p̄cipua hujus sententiae fundamenta. Primum est: Si Angeli creati essent cum modo corporeo, creationis illorum mentionem aliquam fecisset Moyses, rerum omnium creationem initio Genesis exacte describens: Atqui nullam mentionem illorum fecit, cū de creatione mundi corpori loqueretur: Signum igitur est, illos non fuisse cum mundo corporeo creatos.

Secundum sumitur ex nobilitate naturæ Angelicæ: conuenient enim videtur, quod Angelus creaturas omnes corporales, sicut perfectione, & nobilitate naturæ, ita & tempore ac duratione p̄cedat. Unde Job 14. de Luciferō sub nomine Behemō dicitur: *Ipsē est principium viarum Domini.*

Addit Cassianus loco citato, non esse credendum, Deum tot seculis ante creationem corpora creaturæ, mansisse otiosum; sed asserendum, illum bonitatem suam spiritualibus creaturis communicasse, antequam corporeas producebat. His tamen non obstantibus,

18 Dico prīmō: Angeli non fuere creati ante

A mundum corporeum, ita docent omnes patres Latini, cum Augustino 11. de civit. Dei cap. 6. & 9. & Scholastici cum S. Thomā, in quaest. 6. i. art. 3.

Probatur ex Concilio Lateranensi cap. 6. miter, ubi afferit, *Deum simul ab natu & tempore utramque de nobilo condidisse creaturam, spiritualem & corpoream, Angelicam & mundanam.* Licet enim hāc definitio nostram conclusionem non reddit omnino de fide certam, ei tamen tantam tunc certitudinem, ut non possit saltem sine temeritate negari, sicut infra patet.

Præterea conclusio ex Scriptura colligitur. Nam Exod. 20. v. 11. dicitur: *Sex dies fecit cœlum & terram, & mare, & omnia quæ in eis sunt.* At sine dubio Angelii sunt in mundo, & in celo: Ergo intra spatiū illorum sex diērum à Deo conditi sunt: Ergo non ante cœlum & terram, quæ Deus initio sex diērum creavit. Unde Epiphanius dixerit 5. Illud (inquit) evidenter dīminus sermo declarat, neque post sydera producunt angelos, neque ante cœlum, terramque constitutos. Et enim certa illa, & immutabilis sententia, ante cœlum ac terram nihil omnino conditum rerum existit; quoniam in principio creavit Deus cœlum ac terram, ut illud sit creandi principium, ante quod creaturae rebus omnino nulla fuerit.

Addo quod Ecclesia, in hymno de Transfiguratione, ut doceat Verbum divinum esse Deum, ait ipsum superare antiquitatem omnes creature; & hoc enuntiat, dicens illud esse antiquum cœlum & chao, id est mundo sublunari nondum dicitur. At non bene diceretur Verbum Divinum creaturem antiquius, ex eo quod sit antiquius cœlo & chao, si Angeli ante cœlum & chaos à Deo fuisse conditi, ut manifestum est: Ergo idem quod prius.

Denique optima est hāc congruentia, quam affert D. Thomas in quaest. 6. i. art. 3; Angelii sunt partes universi, & una cum creatura corporea totum quoddam integrale componunt; quod apparet ex ordine unius creature ad aliam: Sed nulla pars perfecta est, à suo toto separata: Ergo non est probabile, quod Deus, cuius perfecta sunt opera, sicut dicitur Deuter. 32. creaturam Angelicam seorsim ante alias creaturem produxerit.

Non placet hāc ratio Perierio libro 1. in Genes. cap. ultimo: quia, inquit, Angelii non sunt partes universi, nisi quia ipsum movent, regunt, & administrant: quod autem hoc modo habet rationem partis, extra totum perfectionem suam retinet, ut pater in gubernatore extra viam, & in duce extra exercitum.

E Sed hāc instantia frivola est: licet enim Angelii ad hoc universum, tanquam illius rectores & administratores, ac colorum motores pertineant; sunt tamen partes integrantes illius, & una cum rebus corporeis (ut modo dicebamus) totum quoddam integrale & naturale compunctione: nulla autem pars integralis, separata a toto, perfecta est. Unde patet disparitas ad exempla allegata: cū enim navis, aut exercitus non sint totum naturale, sed artificiale, gubernator non est pars naturalis navis, nec dux pars naturalis exercitus; è contra vero, cū hoc universum sit compositum naturale ex partibus naturaliter ad suicem coaptatis confusus, Angelius est pars naturalis ad ejus perfectionem integraliter pertinens: Ergo licet gubernator extra viam, & dux extra exercitum,

tum, natura sua perfectionem retineant, non tam
men Angeli si extra hunc mundum corporeum
fuisse producuntur.

Dico secundum: Probabile est, Angelos in ipso
mundi corporei initio, seu primâ die creationis,
Deo fuisse conditos.

Hoc facit clare indicat Concilium Latera-
nense loco allegato, dum ait: Deus simul ab initio
temporis condidit creaturam Angelicam & mun-
danam, id ipsum etiam non minus aperte significa-
tur Job 38: ubi habetur, quod cum Deus appen-
deret fundamenta terra, laudabant eum astra
caerulea, & jubilabant omnes Filii Dei, vel ut
legitur in Hebreo: Omnes Angeloi Dei, vel ut
Chaldaei verunt: Omnes caeli Angelici: At terra
fundatio facta est tertia die, quia Deus iussit con-
gregari aquas in locum unum, ut appareret aris-
tus; tunc enim fuit erepta in colles, & depressa
in valles, ac constituta in centro gravitatis quod
dicitur habet: Ergo tertia die creationis mundi,
Angeli jam creati erant: unde credibile est, ipsa
prima die, quia Deus caelum & terram creavit,
Angelos fuisse conditos. Hinc notat Beda initio
Exameron, quod ubi Moyses dixit: In principio
mox Deus caelum & terram statim subiungit:
terra autem erat inanis & vacua; supple, non au-
tam celum, quod (inquit) fuit creatum, plenum
est.

Unde pater responsio ad primum Patrum
Graecorum fundamentum. Respondebat enim
Moysem, cum dixit: In principio creavit Deus cae-
lum & terram, nomine caeli comprehensibile Angelos
ut contentum in continente. Vel, ut alii
volunt, Angelorum fecit mentionem, cum dixit
Genes. 2. Igitur perfecti sunt caeli, & omnis ornatus
unum: Hebraice exeritu corum: hoc enim nomi-
ne comprehendendi possunt non stellae tantum &
altra, Deuter. 4. lic dicta; sed & maxime Angelos,
ut constat ex Luca 2. & Apocal. 12. ubi Angelos,
calum militia, vel cœlestis exercitus, nuncupan-
tur, & boni cum malis præliaentes inducuntur.
Vel denique dici potest, quod Moyses Angelos
creationem prætermisit, nec expressam illi
fecit in Genesi mentionem: quia ibi solum
creationis rerum corporalium ordinem descri-
bere intendebat, ne supra ex D. Hieronymo an-
tonavimus.

Ade secundum respondeo, quod sicut homo,
quavis aliis rebus corporeis nobilior, non de-
solvit tamen prius illis creari, sic neque Angelus
ante mundum corporeum, sed simul cum illo:
quia (ut supra dicebamus) una cum mundo cor-
poreum totum quoddam integrale componit.
Quid vero de Behemoth Job 4. t. dicitur, ad lit-
eram interpretari debemus de Elephante, aut
aliis simili animali, quod principium viarum
Dei dicitur; id est (ut exponit Pineda ibidem)
caput, & primum, vel principium dignitate,
non inter omnia opera simpliciter, sed inter
animalia bruta. Nec obest, quod multi Patres
eodem loco per Behemoth intelligent Lucifero-
num: nam Lucifer quoque dici potest principi-
um viarum Domini, prioritate nobilitatis, aut
dignitatis, non temporis aut durationis; iuxta
opinione plurimorum Patrum, qui Luciferum
piscantur primum Angelorum fuisse. Unde ait Be-
da quæst. 9. ex variis: Lucifer prius creatus exitit,
vel prelatio, non tempore quantitate.

Id vero quod addit. Cassianus, non esse cre-
dendum, Deum tot seculis ante creationem
corporei creature fuisse otiosum frivolum est:

A quia ab aeterno Deus operatur ad intra, per
actus cognitionis & amoris infiniti; quibus Ver-
bum & Spiritum sanctum producit. Et si haec rati-
onem aliquid concluderet, probaret Angelos fuisse
creatos ab aeterno. Unde refert s. Augustinus
libro 11. de civit. cap. 5. quod endem agumen-
to nonnulli olim uebancur, ad probandum
mundum fuisse ab aeterno productum.

Quarunt hic aliqui, an post definitionem
Concilii Lateranensis, afferentis Deum simul
ab initio temporis utramque condidisse creatu-
ram, spiritualem & corpoream, Angelicam &
mundanam, opinio Patrum Graecorum, dicen-
tium Angelos fuisse ante mundum corporeum
conditos, heretica vel erronea reputanda sit?
Affirmant Ferrarensis, Capus, Molina, Valen-
tia, & alii, existimantes hanc sententiam mani-
festè pugnare cum definitione Concilii, & per
consequens ab errore non posse excusari.

Nihilominus s. Thomas infra quæst. 1. art. 3. 27
dicit hanc sententiam non debere censeri erro-
rem, propter authoritatem Gregorii Nazianze-
ni, cuius tanta est, ut ait Hieronymus in cod. in
Christianâ authoritatem, ut nullus unquam eius dictis
calumniam inferre presumperit. Idem sentiunt ex
nostris Cajetanus, & Sixtus Senensis, & ex Pa-
tribus Societatis Granadus, Petavius, & Vaz-
quez, qui dis. 224. cap. 2. præfata verba s. Do-
ctoris ponderans, ait: Quisque doctus & prudens
modestiam Doctoris Angelici imitari debet, qui in
hoc articulo, non dico tot antiquis & gravissimis Pa-
tribus, sed solum Nazianzeno tantum derubet, ut prior
sententiam damnare ille modo ausus non fuerit:
qua suâ modestiâ s. Doctor Theologorum nostri tempo-
ris nimiam in judicando de aliorum sententiis licen-
tiam non leviter reprehendit.

Ad definitionem vero Lateranensis ibidem
respondet, Lateranense, dum ait Deum simul ab
initio temporis utramque condidisse creatu-
ram, loqui non de similitate temporis, sed de pa-
ritate creationis: quemadmodum, inquit, Psal-
mo 48 dicitur simul insipiens & fultus peribunt, id
est pariter, quamvis non eodem tempore, mor-
tientur. Petavius vero libro 1. de Angelis cap.
15. docet Lateranense per particulam, simul,
significasse solum qualitatem intentionis Dei
in producenda creatura spirituali & corporea:
etenim, inquit, hoc decrevit Lateranense contra
errorem Origenis, qui dicebat directâ Dei in-
tentione spirituales tantum creaturas, primò à
Deo conditas esse; corporeas vero fuisse creatas
per accidens, occasione peccati committi à
creatulis spiritualibus, ut nempe in creatura
corporea, tanquam in carcere, punirentur crea-
turae spirituales.

E Haec tamen interpretationes non videntur te-
gitimæ: licet enim particularia illa, simul, interdum
idem significet ac pariter, Lateranense tamen
aperte ibidem declarat se loqui de similitate
temporis: quia non dicit tantum: Deus condidit
simul, sed accedit: simul ab initio tempore utramque
condidit creaturam. Item ibidem statim subiungit:
ac deinde humanam, supple creaturam, formavit;
illa autem particula, deinde, nihil aliud signifi-
care potest, quam posterioritatem temporis;
quia creatura humana condita est sexto mundi
die, cùm tamen prius fuerint creati Angelos si-
mul cum caelo & terra. Porro sicut particula,
deinde, necessario significat posterioritatem tem-
poris, ita & particula, simul, denotat ejus similitu-
atem. Ex quo etiam confutata manet Petavius
Q. q. 2. respon-

responsio: nam si Concilium voluisse per partitulam, simul, declarare tamum, & quae primâ Dei intentione factas esse creaturas corporales ac Angelos, particula simul, maximè in hominem debuisse cadere; propriè enim sunt homines qui ex quæ primâ intentione sunt à Deo ac Angelis, mundus vero corporeus propter homines creatus: At in Lateranensi particulari, simul non cadit in hominem; dicit enim: Fecit simul utramque creaturam ab initio temporis, spiritualem & corporalem, ac deinde humanam: Ergo per particulam simul, non significat solum aequalitatem intentionis Dei in producenda creatura spirituali & corporea. Unde his responsionibus prætermis, 30

Respondo quod licet Concilium ibi loquatur de similitate temporis, & intendat Deum simul tempore & duratione utramque creaturam, spiritualem & corpoream, Angelicam & mundanam condidisse: quia tamen hoc dixit incidenter, nec ibidem Patrum Græcorum sententiam damnum intendebat, sed solum duos errores proscribere, nempe Aristotelis dicentis omnia esse ab eterno, & Origenis ponentes solas creaturas spirituales per se sunt à Deo producetas, illis vero peccantibus creasse corpora, quasi vincula quadam, quibus substantiae spirituales alligarentur (ut ait S. Thomas opusc. 23. Decretalem illam exponens) Patrum Græcorum sententia, etiam post illam definitionem, non debet censeri hæretica, vel erronea; licet à temeritate non posset excusari ille, qui his temporibus affereret Angelos ante mundum corporatum à Deo fuisse conditos.

Potestque hæc responsio confirmari, & illustrari exemplo definitionis Concilii Tridentini sess. 6. can. 11. ubi damnans errorem Lutheri, afferentis nos justificari per gratiam Dei extrinsecam, ait iustificationem nostram esse per qualitatem inhabitantem; & tamen quia hoc dixit incidenter, ibique solum intendebat errorem Lutheri proscribere; opinio quæ negat charitatem & virtutes infusas esse habitus, seu qualitates animæ in hærentes, non censetur, post illam etiam Tridentini definitionem, hæretica, vel erroria: quia ad dignoscendum an aliquid sit ab Ecclesia definitum, attendendum est ad errorem quem intendit damnum; quæ vero incidenter apponuntur, non censetur esse fidei dogmata.

ARTICULUS III.

In quo loco Angeli creati sunt?

31 Circa locum in quo Angeli creati sunt, magna est incertitudo; res enim purè pèdet ex voluntate Dei, de quanihil in Scriptura traditur. Ex illa tamen satis aperte colligitur, Angelos in aliquo cœlo fuisse conditos: nam ad Collof. 1. dicitur: Per ipsum, & in ipso condita sunt universa in cœlo & in terra, visibilia & invisibilia, sive Throni, sive Dominationes &c. Ut autem sit apta distributio, oportet quod sicut præcipua ex visibilibus, plantæ, animalia, & homines in terra creata sint: ita & invisibilia, Throni, & Dominationes in cœlo condita sint. Sed in quo, an in Empyreo, vel sydere, aut alio inferiori? omnino incertum est.

32 Suarez libro 1. de Angelis cap. 4. existimat eos non in cœlo Empyreo, sed in sydere fuisse conditos: primò quia sicut homo non fuit creatus in paradiſo terrestri, sed extra illum, & po-

A stea in ipsum translatus; ita Angeli non debuerunt creari in loco proprio sua Beatiudini, qui est veluti supernaturalis paradiſus, sed extra illum, ut postea juxta sua merita in ipsum transferrentur.

Secundò, quia ad cœli Empyrei dignitatem pertinet, ut semper fuerit ab omni labe peccati purissimum: si autem Angeli in illo creati fuit, subinde etiam in illo peccaverunt.

Tertiò adducit illud Isaiae 14. de Lucifero allegorice dictum: Ascendam in cœlum, & sicut ero Altissimo: si enim, inquit, in celo Empyreo fuisset, non desiderasset illuc ascendere, neque in aliud superius, quod nullum est.

Nihilominus probabilior est sententia D. Thomæ infra quæst. 61. art. 4. afferentis Angelos fuisse creatos in cœlo Empyreo: Nam in articulo præcedenti ostendimus, probabilius est Angelos ipsa primâ die creationis mundi fuisse conditos, cum Lateranense dicat: Deus ab initio temporis utramque simul condidit creaturam, spiritualem & corpoream, Angelicam & mundanam: At primo die creationis non fuit creatum cœlum sydereum, sed tantum Empyreum; dicit enim Gen. 1. secundo die factum est firmamentum, & quarto luminaria & stellas in eo collocata; per firmamentum vero cœlum sydereum intelligitur, ut docent Beda & Strabuſ, relata D. Thoma infra quæst. 68. art. 1. ad 1. Ergo Angelorum in cœlo sydereo, sed Empyreo creati sunt. Unde idem Strabuſ super hæc verba Genesis: In principio creavit Deus cœlum & terram, ait: Cœlum nubilabile firmamentum hic appellat, sed Empyreum, id est igneum, vel intellectuale, quod non ab ardore, sed à splendorē dicitur, quod statim factum, angelus est plenum.

Præterea, ut ibidem S. Doctor discurrevit, Cum Angelii sint pars nobilissima universi, & creati sunt ut toti naturæ corporeæ præfiderent, cōveniens fuit ut in loco omnium nobilissimo & supremo crearentur: locus enim semper dignitati locati respondet, ut patet in ipsis corporibus, quæ quantò meliora sunt, tanto superiori loco collificantur: Sed non est locus in toto universo nobilior Empyreo, nec illo superior: Ergo conveniens fuit ut in illo Angelii crearentur. Idque significare videtur Scriptura Ezech. 28. ubi in figura principis Tyrii loquens de primo Angelo ante suum lapsum, ait: In delicia paradiſi Dei sydereum cœlum enim quod est paradiſus, non est cœlum sydereum, sed Empyreum: Ergo in isto & non in illo Angelii creati sunt. Unde Hieronymus, loquens de cœlo ex quo cedit Lucifer, ait: Vide ille cecidit per superbiam, possunus nos ascende per humilitatem.

Ad primum ergo Snaris fundamentum, respondere ex D. Thoma infra quæst. 102. art. 4. negando paritatem. Ratio autem discriminis est, quia paradiſus terrestris fuit locus congruus habitationi humanæ, quantum ad incorruptionem primi status; incorruptionem autem illa non erat hominis secundum naturam, sed ex supernaturali Dei dono: Ut ergo hoc gratia Dei imputaretur, non humanæ naturæ, Deus hominem extra paradiſum fecit, & postea ipsum in paradiſo posuit. Cœlum autem Empyreum (addit ibidem S. Doctor in resp. ad 1.) est locus congruus Angelorum, quantum ad eorum naturam, & ideo ibi sunt creati.

Ad secundum respondere locum corporeum (quale est Empyreum) peccato spirituali (quale fuit peccatum malorum Angelorum) non co-